

PROCEEDINGS OF THE EIGHT SESSION OF THE SECOND MIZORAM  
STATE LEGISLATIVE ASSEMBLY FROM 12.3.1991 TO 2.4.1991.

2ND SITTING ON WEDNESDAY, THE 13TH MARCH, 1991.

PRESENT

PU VANLALINGENA, DEPUTY SPEAKER at the Chair, Chief Minister  
10 (ten) Ministers and 23 (twenty three) Members were present.

QUESTIONS

1. QUESTIONS entered in separate lists to be asked and  
Oral answers given.

PRESENTATION OF REPORTS

2. THE DEPUTY SPEAKER to report to the House the time-table  
chalked out by the BAC for the Current Session.
3. PU F.C.BAWITLUANGA to present to the House the  
Third Report of the Committee on Government Assurance.

DEPUTY SPEAKER

: LALPA tih hi finna bul a ni a;  
Nimahsela mi a te chuan finna leh  
zirtirna an hmusit thin.

Thufingte 1:7

Question kan ti nghal mai ang a, starred question No. 8  
na Pu Rualchhinan han zawt sela.

PU RUALCHHINA

: Pu Deputy Speaker, ka zawhna  
starred question No. 8 na -

Will the Hon'ble Minister in-charge Local Administra-  
tion Department be pleased to state -

Sorkar hna leh Village Council hna hi chelh kawp theih  
em ni ?

DEPUTY SPEAKER

: Local Administration Minister in  
hantchhang teh se.

PU LALHUTHANGA  
MINISTER

: Pu Deputy Speaker, starred  
question No. 8 na chhanna chu -  
Village Council sianna dan  
chuan chelh kawp a khap lo.

PU RUALCHHINA : Pu Deputy Speaker, zawh belhna -  
A khap loh avanga chelh kawp tir  
hi a dik ber em tih hi ngaihtuah  
tham tak a ni a. Tin, anih leh  
hei hi dan angin kan chelh kawp tir kha a pawl lo tiin kan  
hmang tawh mai dawn em ni ?

PU R. ROMAWIA : Pu Deputy Speaker, zawh belhna -  
He a khap lohna dan a tal kha  
khawngaihtakin Minister in min  
hriih thei em ?

PU LALHUTHANGA  
MINISTER : Pu Deputy Speaker, a chelh kawp  
hi danin khap lo mahsela Village  
Council in thlan hi Political Party  
hrang hrangte in epna atanga Sor-  
karna siam thin an ni a. Chutah chuan Sorkar hnathawkte hi  
conduct rules in Political Party ah an in rawlh tur a ni lo  
tih dan nghet tak an nei a. Chutiang chu practice a awm  
ngai lem lo a ni.

PU RUALCHHINA : Pu Deputy Speaker, zawh belhna -  
Chutiang anga Village Council  
member nihna leh Sorkar hna chelh  
kawpte chu lo awm ta sela Sorkarin  
engtia tih nge a tum ang ?

PU LALHUTHANGA  
MINISTER : Pu Deputy Speaker, a hnathawhna  
Department ah report a, khati-  
ang kha thawk lo tura hriattir an  
ni ang.

PU H. RAMMAWI : Pu Deputy Speaker, a eng zawk nge  
a thawh loh ang ? Sorkar hna nge  
a thawh loh ang Village Council  
hna ? Clerk hna leh Village Coun-  
cil hna hi kan kawp tir thei em ? Police D.S.P. hna leh  
Village Council hna kan kawp tir thei em ? Inspector hna  
leh Village Council hna hi a kawp theih em ?

PU LALHUTHANGA  
MINISTER : Pu Deputy Speaker, ka han chhang  
ang e. Tuna an han tih chhan a  
kha Pu R. Rengchhanga Saron Veng  
a Village Council a thlan tiin  
kha Excise Department ah khuan Contract basis in a thawk a.  
Chumi chu Sorkarin a hriat veleh chu a thawhna Department  
ah chuan hei hi khawinge a duh zawk ti a hriattir a ni  
tawh a ni.

DEPUTY SPEAKER : Tunah chuan starred question No.9  
na Pu R. Tlanghmingthangan han  
zawt rawh se.

PU R. TLANGHMINGTHANGA : Pu Deputy Speaker, ka zawhna starred question No. 9 na -

Will the Hon'ble Minister in-charge Home Department be pleased to state -

Inner Line Permit hman tawh loh tumna a awm em ?

PU C.L. RUALA MINISTER : Pu Deputy Speaker, a chhanna chu awm lo.

PU H. RAMMAWI : Pu Deputy Speaker, zawh belhna - Inner line permit hman tawh loh tumna Mizoram Sorkarin a nei lo anih chuan engatinge Delhi

Supreme Court ah khan Lunglei leh Aizawl leh Delhi kan in ang reng an Ukil an tih tir si ? Delhi kal tur hian Inner line permit a ngai reng em ni ?

PU C.L. RUALA MINISTER : Pu Deputy Speaker, High Court ah Inner line permit sawi a awm ka hre lova, a in relevant em ni aw ka ti deuh a. Inner line permit engmah sawina a awm lo.

DEPUTY SPEAKER : A relevant ni lova in hriat chuan Minister in in chhang lo thei.

PU J.H. ROTHUAMA : Pu Deputy Speaker, zawh belhna - Inner line permit hi strict zawka khuahkhirh tumna a awm em ? Tunlain kan ramah vai an tam ta em em mai a, heng hi Silchar atangin an rawn la mai niawm tak a ni a. Khauh leh zual deuha vawn tumna a awm em ?

PU C.L. RUALA MINISTER : Pu Deputy Speaker, awm e. Hei Guide line thar kan pe chhuak a. Chutah chuan form A, B, C, D, E thlengin a awm a. Hemi form hi guide line nen pek chhuah vek a ni tawh a, Chutiang chaun fel zawka khuahkhirhna siam a ni tawh a. Tin, a pe chhuak-tute hnenah pawh guide line thar hi pek a ni vek tawh.

PU R. ROMAWIA : Khawngaihtakin Pu Deputy Speaker a guide line thar kha House min pe thei em ?

FU C.L. RUALA  
MINISTER

: Pu Deputy Speaker, hei hi chu Member te hnenah kan la pe mai ang. Pawn lamah pe chhuak mah ila, hetah a copy ka nei tam si lova.

DEPUTY SPEAKER

: Ni e, member te hnenah a la thawn dawn anih chu. Tunah chuan starred question No. 10 na - Pu K. Vanlalauva'n han zawt sela.

FU K. VANLALAUVA

: Pu Deputy Speaker, ka zawhna starred question No. 10 na -

Will the Hon'ble Minister in-charge Excise and Taxation Department be pleased to state -

Mizoramah Central Tax Act hman vek tumna a awm em ?

DEPUTY SPEAKER

: Minister in-charge Pu C.L.Ruala'n han chhang teh se.

FU C.L. RUALA  
MINISTER

: Pu Deputy Speaker, Central Tax Act tih ringawt hi engnge ni ang a zawttu khan a tum ber ni ang aw ka ti a. Taxation law chi hrang hrang Central in an nei a. Chung chu Central Act anih avang- in Central Sorkar in a hmang mai a. Khatah khan a eng ber a nge ni a han zawh duha kha hriat hmasak nise a tha ang. Sales Tax Act 1956 hi the state sales of goods sales tax lak nana hman a ni. Hemi lo hi chu Tax hran kan hmang lo. Hei hi chi state tinin an hmang a, Central Sales Tax hi hman a ni a, a dang erawhchu hman kan nei lo.

DEPUTY SPEAKER

: Question No. 11 na - Pu H.Rammawi an han zawt teh se.

FU H. RAMMAWI

: Pu Deputy Speaker, ka zawhna No. 11 na -

Will the Hon'ble Minister in-charge Excise and Taxation Department be pleased to state -

(a) 1989-90 Financial year period chhung bik Profes- sional Tax assessment siam a ni tawh em ?

(b) Siam nise, eng rate a assess nge ? Enhance rate a assess a ni em ?

FU C.L. RUALA MINISTER : Fu Deputy Speaker, starred question No. 11-na (a) na chhanna chu - siam a ni tawh tih a ni a. Tin, (b) na chhanna chu - 1989-90 Financial year period chhunga Professional Tax Assessment hi kan dan Section 5-in a sawi angin 1990-91 chhunga siam a ni. Tin, Amendment Act 1990 sub-section 3 Sec 1 (one) leh Section 2 in a sawi angin 1st April, 1990 atanga enhance rate hman tur anih avangin a rate hlui a awm tawh si lova, enhance rate a siam a ni.

FU H. RAMMAWI : Fu Deputy Speaker, zawh belhna - Sorkar lehkhah hian 1990 April ni 1 atangin enhance rate kha hman tan tur tih a ni a. Engatinge 1989 an apply tir ? Kan pass laiah khan kha a khung hlei nem. Tin, chubakah he assessment a hi 1990-91 atan kan Finance Minister Budget Speech ah pawh khan a tel a, kan Budget Explanatory Memorandum ah pawh khan chiang takin a awm a. Engatinge 1989 ami kha kan dan pawnah hei hi khawn anih ? assess anih ?

FU C.L. RUALA MINISTER : Fu Deputy Speaker, kan danah hian 1990 April ni 1 atanga hman tur tih a ni a. Tichuan tuna kan assess period-a kha a return period turah chuan 1990-91 a ni si a, 1990-91 hi chu a kum a la tawp lova, kan la assess thei bawh silova. Chuvang chuan kan dan ang hian kan kal mai a, hei hi a سوالنا pawh kan hre hranpa lo a ni.

FU H. RAMMAWI : Fu Deputy Speaker a سوال a ni kha kha, India Constitution Article 276-na amend anih tak avangin keini pawhin kan amend a, retrospective in kan amend lova, kan amend ah khan back date in kan amend lova. 1990 April ni 1 atanga hman tan anih hian 1990 chhung leh tun March thla tawp thleng ti ta ila, chu chu kumin chhung kumthar 1991 eng hunah pawh an assess let ang a, khami period erawh kha chu he kan dan hian a phal a ni, 1989-90 kha chu kan dan hian a khuh loh avangin kan dan hlui angin a amend hma ang khan a assessment a hi rate hlui assess tur a ni. Hei hi an tidik lo a ni kan Sorkar hian Fu Deputy Speaker. Chuvang chuanin hei hi chu chhan leh vang eng ang pawhin tang thin mahsela, dan hianin a khuh lo hrim hrim a ni.

FU C.L. RUALA MINISTER : Engpawhnisela, Fu Deputy Speaker, kan member zahawmtakin a rawn zawha kha 1989-90 in kar khami financial period chhung bika professional tax a kha chu a assess hun tura kha chu 1990-91 ah lo chuan kan assess thei tlat lo mai a, a income a kha kan la hriat loh avangin. Tichuan kan han assess peih khanin a dan hlui kha a awm tawh si lova. Kan dana hi a dan hlui kha a thar hian a refill tawh si a, chulaiah chuan a dik lo nia kan ngaih chuan Law Department te pawh

kan rawn a tha in ka ring a, Law Department te pawh rawn mai ila, Department in a dika an ngaih angin an lo kal a, chutiang chuanin an lo ti ania. Chuvang chuan Law Department te pawh rawn mai ila a tha in ka ring.

PU H. RAMMAWI : Pu Deputy Speaker, khatiang khan enchiang leh sela, Sorkar Ina-thawk tam tak Kohbran Office (Synod Office) a thawk thleng hian an ni vek a. Bazara sumdawng kan neih zawng zawng hi ania, rate hlui anga pe tur si kha rate thar angin kan pek tir vek a, kha kha chu a dik lo hrim hrim a. Amahe-rawhchu a assessment ah khan Sorkarin harsatna a nei anih chuan chu chu a harsatna chin fel chu Sorkarin dap ta sela, khalala kha chu Sorkarin en tha leh rawh se.

DEPUTY SPEAKER : Duh tawk ang aw, Question No. 12 na Dr R. Lalthangliana han zawt teh se.

Dr R. LALTHANGLIANA : Pu Deputy Speaker, the starred question No. 12 -

Will the Hon'ble Minister in-charge Finance Department be pleased to state -

Mizoram Finance & Account Services Rules hi Sorkarin siam a tum em ?

PU J. LALSANGZUALA MINISTER : Pu Deputy Speaker, kan siam tawh e.

Dr R. LALTHANGLIANA : Pu Deputy Speaker, zawh belhna - Hemi siam tawhah hian kan Minister zahawmtak khanin min chhan theih chuan a top grade ah hianin MCS te angin non-functional ah 5% siam sakna a kha a awm thei em ? tiha kha kan zawt duh.

PU J. LALSANGZUALA MINISTER : Pu Deputy Speaker, March ni 4 khan approved a ni tawh a, kha thil pawh kha ngaihtuah a tha a, tiang hian a kal pui a ni.

DEPUTY SPEAKER : Question No. 13 na - Pu Tawnluia question kan thleng a, thihna avangin a lo kal thei lova, leh kha a rawn thawn a, Pu Aichhinga a rawn entrust a, question No. 13 na hi Pu Aichhingan Pu Tawnluia question hi rawn zawt teh se.

PU AICHHINGA

: Pu Deputy Speaker, Pu Tawnluia  
zawhna starred question No. 13 na-

Will the Hon'ble Minister in-charge Revenue Department  
be pleased to state -

- a) Bairabi Hydrel Project tuikhuahin Forest Reserve a  
chhim chhiat tur thleng nan ram pek fel a ni tawh em ?
- b) Engtianga zau nge ?
- c) Khawiah nge ? tih hi ka zawt e.

PU ZALAWMA  
MINISTER

Pu Deputy Speaker, Bairabi  
Hydrel Project Tuikhuah Forest  
reserve a chhiat tur thleng  
nan ram pek fel a ni lova,

ruahman lawkna erawhchu siam fel a ni. b)-na engtianga  
zau nge tihah hian 13652 hectares a ni a. c)-na khawiah  
nge - hei a khua hi ka chhiar chhuak mai ang e, a tam tham  
deuh a, khaw hrang hrangah tih i duh tawk mai em ? Duh  
tawk mai maw ? hei khaw 58 ah kan ruahman a ni.

PU J.H. ROTHUAMA

: Pu Deputy Speaker, a zawhna  
atang khan hei kan Sorkar hian  
Bairabi Hydrel Project hi a  
hlanchhiah ta mai em maw ni

kan ti a, a la hlanchhiah lo nge ni a, lak tharna sawi  
tur a awm em ? Mizoram in power kan mamawh em em a, khu-  
lai khu survey leh engkim lo tih tawh sa a ni a, hei hi  
chak zawka nawrna te a awm em ? tih kan zawh belh e.

PU ZALAWMA  
MINISTER

: Pu Deputy Speaker (Deputy  
Speaker : Power Minister chhan  
tur niawm tak a ni a, a starred  
question nen a in hlat tlat,

chhang lo mai rawh u. Question No. 14 na Pu Rualchhinan  
han zawt teh se).

PU RUALCHHINA

: Pu Deputy Speaker, ka starred  
question No. 14 na -

Will the Hon'ble Minister in-charge Local Administra-  
tion Department be pleased to state -

Mizoram Village Council Executive Body la siam loh  
engzatnge awm ? tih ka zawt e.

PU LALHUTHANGA  
MINISTER

: Pu Deputy Speaker, 111 siam fel  
loh a la awm.

PU RUALCHHINA

: Pu Deputy Speaker, zawh belhna - chung la siam fel loh za aia tam mah chu engvangnge ni le ? Engnge a chhan ?

PU LALHUTHANGA  
MINISTER

: Pu Deputy Speaker, Village Council Election October thla a kan neih khan Party mal khaia in chuha lak lohna te, in zahna

te a awm a. Chungte chuan vawi engemawzat lehkha a hriattir an nih pawhin vawiin ni thlengin an la rawn siam thei lova, chutiang ang lehkha hriattirna chu tum hnih kan thawn a, nimin khan tum thumna tur thawn leh ila kan ti a, siam fel ran kan duh a. Tin, Village Council 327 hemi Executive Body hi siam fel tawh a ni a, chumi ah chuan siam fel loh nichina ka rawn sawia kha 111 a ni a, chu chu a rang thei ang bera siam hi Sorkar tan chuan kan tih mak-mawhah kan ngai a, kan duh ngat ngat reng a ni.

PU RUALCHHINA

: Pu Deputy Speaker, zawh belhna - Executive Body siam thei lova thenkhat an awmna chhan chu Sorkar lam atanga approval pek

loh vang niin a lang a. Entiran - heng Luangmuai te pawh MNF solidna a ni a, tunthleng hian Executive Body siam a la ni lo hi thil zahthlak tak niin kei ka hria a. Tin, chung lo pawh chu chutiang ang bawka solidna emaw, solid loh deuh hlekna pawh hi siam fel loh a awm hrim hrima pawh kha a pawh em em a, heng hi engvanga tih loh ngawt nge ni tih hi min chhang thei em aw ?

PU AICHHINGA

: Pu Deputy Speaker, zawh belhna pakhat kan siam ve lawk teh ang. Khimi Suangpuilawn bial leh Ratu bial te Village Council thlan

theih tak lohna bialah khan inthlan ve thuai tumna a awm em tih kan zawt belh e.

PU LALHUTHANGA  
MINISTER

: Pu Deputy Speaker, zawhna siamtu ina Luangmuai a tiha kha amah-nina an rawn tih anih chuan khati-ang kha chu kan ti fel zel a,

pending kan nei ngai lo. Amahni leh amahni recommend kawp an awm hian kan zawt nawn leh thin a, chutiang anih loh chuan chutiang chu pending kan nei ngai lo tih House ah ka sawi duh a. Tin, Suangpuilawn bial khimi bawrte leh khinglai bawra kha chu session hmasa thla hlui lawkah khan kan chhang fel viau va. Chu chu memberten kan la hriet reng ka ring a.

PU RUALCHHINA

: Pu Deputy Speaker, zawhna pakhat chauh kan pe leh lawk ang a. Nominated seat pek chungchangah hian thil fair lo tak a awm thin a, chung avang te pawh chuan



Executive Body te pawh siam harsa ni te pawhin a lang thin a. Entirna atan Lungphunlianah chuan MNF an solid a, amaherawhchu khangah pawh khan nominated seat chu Congress party atangin pek a ni tlat mai a, chutiang ang thleng chuan kan Village Council Executive Body siam chungchang emaw, nominated seat pek chungchang emaw ah hian a fair lo em em mai a. Hei hi Sorkarin a principle kan zawm tawh leh kan lo adopt tawh ang hianin fair takin a ti thei lawm ni ? tih kan zawh belh duh a ni.

FU LALHUTHANGA MINISTER : Pu Deputy Speaker, ni e nominated seat pek tur hian chumi party Sorkar an ni emaw chumi chu tih emaw ziak hi a awm lova, Sorkarin an duh duh an pe thin a. Amaherawhchu tun Sorkar hian chuan uluk zawka tiha tunhma kalphung angin hei hi a Sorkarina tinghet tura party neitute ina an rawn recommend hi chu pek an ni thin a. Tin, complaint awm apiang pawh a chhui zel tih hi kan hriat atan ka han sawi duh a ni.

FU K. VANLALAUVA : Pu Deputy Speaker, Minister thar a ni bawka a, a chak viau va. Zawh belhna pakhat- November thla tantir tea khilai khawchhak kila nominated seat dil khaw pakhat a dilna thla 4 lai bo kha zawn hmuh a ni tawh em ? tih leh chu chu Vanzau khua a ni a. Tin, a dawt lehah khilai khawchhak kila mi bawka Khuangthing khua November ni 15 - a thehluh tawh waviin ni thlenga chhuak lo, a nominated seat dilna lehka pawh la hmuh loh kha zawn hmuh thuai leh approve thuai min tiam thei em Minister zahawmtak hian tih kan zawt a ni.

FU LALHUTHANGA MINISTER : Pu Deputy Speaker, kan hriat vawikhatna a ni ang a, khatiang kha nakinah kan lo chhinchhiah ang a, kan lo la ti lo anih chuan a tibo tute leh a thehluh tute pawh hian an ziak thin lo deuh bawka a ni. Thehluh tura an ken hian an lo thehluh thin lo bawka a, chung chu kan lo enpui dawn nia.

FU H. RAMMAWI : Pu Deputy Speaker, zawhna 15-na (a)-na, (b)-na, (c)-na ka zawt e.

Will the Hon'ble Minister in-charge General Administration Department be pleased to state -

- (a) Mizoram Officer, Office-a Telephone nei thei chin bithliah a awm em ?
- (b) S.T.D. Connection nei thei chin bithliah a awm em ?
- (c) Awm nise, eng rank chin nge ?

PU J. LALSANGZUALA : Pu Deputy Speaker, (a)-na chu  
MINISTER Mizoram Officer, Office-a  
telephone nei thei chin hi  
bithliah a awm em tih a ni a -  
A awm lova. Tin, (b)-na chu S.T.D. Connection nei thei  
chin bithliah a awm em tih a ni leh a - Chu chu a awm  
a. (c)-na chu awm nise, eng rank chin nge tih a ni a -  
Head of Department leh Joint Secretary leh a chung lam  
chin hian nei thei a ni a. Tin, residential telephone  
ah erawhchuan Secretary leh Head of Department chin kan  
ti a. Tin, chubakah individual case a pawimawh dan ang-  
in Chief Secretary hnenah thuneihna kan dah bawk.

PU H. RAMMAWI : Pu Deputy Speaker, pawisa kan  
harsat avanga kan Sorkar pawh  
kan Minister te ngei pawh ke-  
a kan sum ren avanga office  
kan kal tlah tlah lai hian STD man hi a to si a, tu  
officer emaw office atang hian STD duh tawka hmang thin hi  
kan awm a, kan officer-te telephone bill pawh hi a then hi  
chu enchian hianin a rapthlak khawp a. Chuvang chuanin  
heng pawh hi upper limit siam nisela, upper limit-ah  
chuanin heng Chief Secretary te, kan Secretary te hi dah  
hran nisela, kan Director chin te nei thei chin te pawh  
hi dah hran nisela. Tin, chubakah kan trunk call bill  
reng renga pawh hi Sorkar mamawh ni lova engemaw chhiatni  
thatni thilah hi chuan a dang a, chutiang ni lo chuan a  
hman nazawngin Sorkar office pan kan awm a, Sorkar office  
atanga call tih vak vak ching kan awm a, STD te nen. He-  
mi control anih theihna tur hianin STD pawh hi a bi chin  
deuh hlek awm ang thliah nisela tih kan rawt duh a ni e,  
ka zawt leh lem lo.

PU J. LALSANGZUALA : Pu Deputy Speaker, a zawt chiah  
MINISTER lo na a, han sawi belh ka duh a,  
rawtna tha tak min pek avangin  
ka awm a. Tin, tunah pawh hian  
bithliah kan nei a, Secretary chin hi Office-ah Rs 10000/-  
thlang kan ti a. Tin, residence lamah Rs 6000/-, tin,  
Head of Department te hi Office lamah Rs 5000/-, in lam-  
ah Rs 2500/- a ni a. Tin, Joint Secretary hi Rs 5000/-  
Officer dang entitle te Rs 2500/-.

PU ZOSIAMA PACHUAU : Pu Deputy Speaker, House hriat-  
ah keinin pre-call Rs 20000/-  
kan nei thei a. Engtiziange  
thla khatah Rs 10000/- khā, khan  
an neih theih si? Kum khatah Rs 20000/- kan nei thei  
a, thlakhatah Rs 10000/- an nei thei a maw? A va mak  
ve !!!

PU J. LALSANGZUALA : Pu Deputy Speaker, ka sawi sual  
MINISTER a ni, quarterly tih ania. Kha  
kha thlatin kan tih kha ka tih-  
sual palh a nia, thla thum dan  
zelah ania. Heng Office STD kan pek chin te hi chuan  
anmahni chhia leh tha hriatnaah thil pawimawh leh official  
china hmang turah kan ngai a ni.

DEPUTY SPEAKER : Question No. 16 na - Dr R.Lal-  
thanglianan han zawt teh se.

Dr R.LALTHANGLIANA : Pu Deputy Speaker, ka zawhna  
16-na

Will the Hon'ble Minister in-charge Finance Department  
be pleased to state -

Sorkar hian Accounts & Treasuries Department atan  
hnathawktu tur (Staff) lakbelh tumna a nei em ?

FU J. LALSANGZUALA : Pu Deputy Speaker, Nei e, Trea-  
MINISTER sury Accountant pakhat leh Assis-  
tant Treasury Accountant 21 leh  
LDC 2 leh Group 'D' 4 lakbelh  
tum a ni.

Dr R. LALTHANGLIANA : Pu Deputy Speaker, hei kum 1982  
atang khan vawiin ni thleng  
hian he Department ah hian  
Auditor 8 leh Assistant Auditor

28 an awm a. Ni 28.2 kumin khan a ngai bawk an la ni a,  
hei hi a pawimawh viau-vin ka hria a, lakbelh tumna a  
awm niawma a sawia kha a lawmawmin ka hria a. Tin, chu-  
tihlai chuan hei Sorkar hnathawkte hi kan tam chho va,  
pension te a pung chho va, kum 1983 April ni 1-a pension  
case 320 anih lain ni 28/2/91-ah chuan 485 a lo ni tawh  
a. Tin, G.F. Fund kan tih case-ah hian 1983 April thla  
khan 16000/- case kan nei a, tun dinhmunah hian 35391 an  
lo awm ta a. Tin, entitlement tihah hian 882 1983 a awm-  
a kha tunah 1616 in a kai chho ta bawk a. Tin, G.I.S.  
case kan han tiha hi 290 tunah kan nei a, a case pumpuia  
hi Pu Deputy Speaker, tunah hian 37782 a ni tawh a, a tira  
mi ai khan a case hrim hrima hi 20580 in a pung chho ta a.  
Chumi avang chuan hei kum 10 dawn staff lak belh miah lova  
an awma hi hna an thawk thei lova, kawng lehlamah pension  
min peihsak lo emaw, G.F. Fund min peihsak loh avangin kan  
thin a rim a, kan dem thin a. Amaherawhchu Staff dinhmun  
a hi a chhe hle mai a. Chumi avang chuanin hei hi a lak-  
na chungchangah hian Assistant Auditor leh Auditors  
hi buk deuh hleka kan lak loh chuan tuna kan case kal lai-  
ah hi chuanin staff pakhatin 2500-3000 tunah deal ang a  
lo ni a. A.G. Standard Norms ah hian mi pakhatin 880 a  
a deal tur anih lain a let thumin a han chho tawh a ni  
kan staff dinhmun a tlem em avangin. Chuvang chuanin  
Pu Deputy Speaker, kan zawt ang a, kha a staff lakna ah  
khan Assistant Auditor leh Auditor kha tam tham deuh lak  
tumna a nei thei dawn em tih kan zawt teh ang-

FU J. LALSANGZUALA : Pu Deputy Speaker, nichina ka  
MINISTER han sawi taka kha tuna kan hna  
kal mek kan mamawh dan chhuta  
kan han tih ania. Tin, separation  
of Accounts from Audit hi Central Sorkarah April ni 1 atang-  
a ti thei tur hian kan dil a. Mahse vawiin ni thlengin  
phalna min la pe lova, chumi kan tih hunah chuan Audit

lampangah te pawh staff kan re-inforce a ngai ang a. Tun ang ngau ngau chuan nichina ka han sawi tak belh khan kan hna kal lai hi chu min enkawl zovin kan ring a ni.

DEPUTY SPEAKER : Question No. 17 na -  
Pu Tawnluia question Pu Aichhingan han zawt teh se.

PU AICHHINGA : Pu Deputy Speaker, Pu Tawnluia  
zawhna starred question No 17 na -

Will the Hon'ble Minister in-charge Revenue Department be pleased to state -

Engvangingnge Khawzawl H.S.A.A.B. Secretary-ah official ni lo hman anih tih hi ka zawt e.

PU ZALAWMA MINISTER : Pu Deputy Speaker, Khawzawl  
House site allotment Advisory Board Secretary-ah official mi ngel B.D.O. Office Accountant hman a ni tawh e.

DEPUTY SPEAKER : Question No. 18 na - Pu H. Ram-  
mawian han zawt teh se.

PU H. RAMMAWI : Pu Deputy Speaker, ka starred  
question No. 18 na ka zawt e.

Will the Hon'ble Minister in - charge Taxation Department be pleased to state -

(a) Mizoram Sales Tax Act siam that tumna a awm em ?

(b) Awm nise Section/Clause eng lai te nge ?

PU C.L. RUALA : Pu Deputy Speaker, (a)-na  
chhanna chu siam that tumna a awm lo a. (b)-na awm nise, section/clause eng lai te nge tih a zawt leh a. Hei hi a Act hrim hrima hi chu siam that tumna a awm lo tih tuna ka chhanna kha kan nihna dik tak a ni mai a. Mahsela, Section 59 kan dap ina a phal angin he mi dan kenkawhna chungchangah harsatna eng pawh a awm thei a, chumi sutkianna tur chuan dan puin a tum te kha tidanglam emaw a kalh zawnga thiltih emaw awm chuang looin Sorkar-in order a siam thei a. Chumi dungzui chuan Registration Section 9, 10 leh 11 te kha order chhuaha condition thenkhat siam erawhchu a tum a ni. Chu chuan a section leh clause kha tih danglam emaw siamthatna emaw a kawh chuang dawn lova. Tin, Sales Tax Act 1989 section 3 hnuai chhiah lak-na tur bungraw item kha notified a ni tawh a. Chung a notified tawh te chu engemawzat pah kan tum mek a, bungraw *chi hrang hrang 97 khawh notification-ah khan a awm a.*

Chutianga bungraw hlawn hrang, chi hrang 24 chu pah a ni dawn a, chi hrang 97 kan neih kha 73 taxable goods kan nei dawn tihna a lo nih chu. Tin, notified goods list atanga kan pah tum te kha vantlang mimir ina kan mamawh leh kan lei thinte kha chhiah lamdimin tanpui tam vak si lo, kan Revenue target tihnam lutuk si lo te an ni deuh ber a ni. A dan hrim hrima hi chu siam that tumna kan nei lo Pu Deputy Speaker section 3 laia kha.

PU H. RAMMAWI : Pu Deputy Speaker, a dan hrim hrim va siam thatna lam ni lovin, hemi ina a provision a pek chhunga mi zawk tihna kha a ni maw ? Chuti chu a lawmawm e.

DEPUTY SPEAKER : Zawnha 19-naah kal leh ila, Dr R.Lalthangliana han zawt leh se.

Dr R.LALTHANGLIANA : Pu Deputy Speaker, ka zawnha

Will the Hon'ble Minister in-charge Education and Human Resources Department be pleased to state -

Cultural Sub-Centre hi Sorkar in din tumna a nei em ? tih ka zawt e.

DEPUTY SPEAKER : Dr H.Thansanga, Minister in-charge in han chhang teh se.

Dr H.THANSANGA MINISTER : Pu Deputy Speaker, Cultural Sub-Centre Sorkarin din tumna a nei e.

Dr R.LALTHANGLIANA : Pu Deputy Speaker, zawn belhna - Nei nise, engtikahnge ni tan tum beisei anih ?

Dr H.THANSANGA MINISTER : Pu Deputy Speaker, kan sawi deuh hlek ang e. Deuh hlek ti ila a rei lovang a, a fiah theih nan. 1986-a Prime Minister anih lai Pu Rajiv Gandhi a lo kal khan July thla ania. Hei hi min tiam a ni, a puang a, kha kha bawhzuiin Central Minister P.V. Narasimharao khan Chief Minister hnenah "Mithiam rual, a ruahman pui tur che u in an lo kal dawn e" a rawn ti a. Chu lehkhaw pawh chu a la awm vek a, ka han chhui ka han chhuiin kha thil kha 1986 a ni a. State kan han ni ta a, kan han inthlang ta a 1987 ah. Khami hnu khan bawhzui na a la lang ta hauh lo mai a, kan zu bawhzui loh vang a ni ta ber nge ni, khatia in tan tha viau kha a reh ta a ni.

Tin, a ruahmanna ah khan hemi North East Cultural Centre Dimapur, Nagaland tana grant (sanction) non recurring grant atang khan cheng vaibelchhe nga (crore nga) lak tura ruahman a ni nghe nghe a ni. Kan han Sorkar a, nikum hmasa khan kan han bawhzui a, keimah ngei pawh ka Kal a, Central Minister te an lo bang bo tawh viau va, a lo khaihlak tawh a. Mahse a uihawm si a, tih nun leh kan tum a. Theih chuan a hmuh thu ah pawh khilai Durtlang Hermon's Children Home bula mi kha laih zawl a ni tawh a ni. Tourism Department te nen. Amaherawhchu Theological College nen in thleng a lo ni leh ta a, Zemabawka Beraw tlang, Theological College hmun tura bulldozer ina an lo laih vek tawh kha Synod lamin in thleng an duh avang-in remtih a ni ta a, an nin khilamah hna an thawk ta a. An laih zawl sa chu kan va en thin a. Tin, Pu Lalsangzuala Minister, Tourism a nih lai pawhin kan va kal dun tawh a ni. Nikum kum hmasa ka hre lo, kan va en a, laih loh chu a tam mai a, a tha viau va. Amaherawhchu Tourism Department nena han hmang kawp tur chuan a hmun hi a zim deuh em aw kan ti a. La sawi leh turah kan dah a, kan la in hmukhawm leh rih lova. Tiang chuan a hmun lam pawh hi kan buaipui viau va.

Tin, vaibelchhe nga kan tih pawh kha engmah hmuh a la ni ta bawk lova, a thu kha a tawp rih tlat mai a. Director a lo kal khan ka sawipui a, (Tuna December thla a helaia function kan neih khan a lo kal a) A hma pawh ka zawt tho va. Hei hi kan umzui chak a ngai ang. Pu Rajivan min tiam kha ania ka ti a. Ani chuan a hmanhmawh loh dap a rukte chuan a duh ka ring a, kan centre hi tih that a ngai a, a sub-centre chu chumi hnu ah tih niselangin tih a sawi a ni, chu chu kan dinhmun a ni. Tin, eight five year plan chung hian nuai sawmruk kan dah a hemi atan hian. Nuai 60 zinga nuai 25 hi kumin kum lo kal tur 1991-92 ah hian hman ni selangin tih kha kan han rawt a, mahselangin a la tlang rih lo a ni. Chu chu kan dinhmun a ni e.

DEPUTY SPEAKER : Zawhna 20-na Pu H.Rammawi han zawt teh.

PU H. RAMMAWI : Pu Deputy Speaker, zawhna 20-na ka zawhna ka zawt e.

Will the Hon'ble Minister in-charge General Administration Department be pleased to state -

State level Voluntary Organisation President te State/ Public Function-ah class I Officer anga enkawl tumna a awm em ?

PU J. LALSANGZUALA MINISTER : Pu Deputy Speaker, kan Member zahawmtak zawhna chu State Level Voluntary Organisation President te State leh Public Function-ah Class I Officer anga enkawl tumna a awm em ? tih a ni a. Hei hi enkawl an ni e.

PU RUALCHHINA : Pu Deputy Speaker, ka starred question No. 21-na

Will the Hon'ble Minister in-charge Local Administration Department be pleased to state -

Sawrkarin V/C Act leh Rules siam that tumna a nei em ?

PU LALHUTHANGA MINISTER : Pu Deputy Speaker, Nei e.

PU RUALCHHINA : Engtika siam that tum nge ni a, engtika Assembly ah pawh pass tura buatsaih nge ni tih kan zawt leh e.

PU LALHUTHANGA MINISTER : Pu Deputy Speaker, tunhnai maiah pawh khan siam that a ni a. Hei hi a tul anga siam that chhoh zel tum a ni.

PU RUALCHHINA : Pu Deputy Speaker, kan Village Council Act hi a hlui tawh em em mai a. The Lushai Hills District Village Council Act 1953 tih a ni a, hmanlai ami kha a ni a, a kim lo em em mai a. Amendment mai hi tawkin a lang tawh lova, siam that ngei ngei mai hi tha in a lang a. Tin, chubakah chuan a rules hi Mizo tawnga kan neih pawh kan hre mang lo reng reng mai a, Village Level a a roreltute leh a hmangtu tura te hi mawl zawk deuh lehkha pawh zir sang lo deuh te an han ni nge nge leh nghal a. Chuvang chuanin heng a rules te pawh hi Mizo tawng ngeia neih te, pawh hi a hunin ka hria a. Assam Autonomous District Constitution of District Council Rules ti a 1951 ami daih kha adopt a ni a, chuvangin siam that ka han tiha kha siam thar a ni zawk awm e, kan hriatthiam dan turin. Ka zawhna takah chuan Amendment mai ni lovin siam thar a tum em ? tih kha ka zuk zawh dan ania, in hriatthiam ka duh a.

Tin, chutiangin Mizo tawng ngeia a rules te pawh hi hmuh theih a siam tum a ni em ? tih kha min han chhang thei em aw!!

PU LALHUTHANGA MINISTER : Pu Deputy Speaker, a tul anga siam that tum mek a ni,

PU K. VANLALAUVA : Pu Deputy Speaker, ka starred question No. 22 na ka zawt e.

Will the Hon'ble Minister in-charge Excise & Taxation Department be pleased to state -

Zu license No. 1 of 18.8.1989 valid upto 31.3.1991  
Sorkarin a pek kha tihtawp a tum em ?

PU C.L. RUALA MINISTER : Pu Deputy Speaker, starred question No. 22-na zawhna chu hetiang hi a ni. Zu license No. 1 of 18.8.1989 rated upto 31.3.1991 Sorkarin a pek kha tihtawp a tum em ? tih a ni a. Kan Member zahawmtakin a rawn zawh he license hi Hotel Moonlight hnenah Sorkarin heta a zawhna a a lang hian ni 18.8.1989 khan dah luh a ni. Chu chu nikum 25th September khan cancell a ni tawh a.

PU ZOSIAMA PACHUAU : Pu Deputy Speaker, hun a la awm bawk a. Hei zu zuar, license nefa zu zuar an awm ta lova, a to duh riau mai a, kan Minister khan khawngaihtakin min han chhang sela, M.A.P. atang hian V.I.P. tan zu um engzatnge lak theih ? M.A.P. Headquarter atang hian.

PU C.L. RUALA MINISTER : Ka hre lo tawp mai a! Pu Deputy Speaker, chutianga a lak theih pawh ka hre lova, a lak theih zat phei chu ka hre lo leh zual.

PU H. RAMMAWI : Pu Deputy Speaker, pakhat chiah, Krismas dawnah khan kris-mas bawr velah khan Zu zuar, hmeithai te te kan man khawm a, Jailah te kan dah a, zu tihrem tum nan. Chutih lai chuan Excise Office atang khan Zu kan zuar vak mai a. Kha kha Sorkar phalna a Department ngei khan kan zuar ngei ni a mi ta an chhuh an hralh chhawng leh.

PU K. VANLALAUVA : Pu Deputy Speaker, a zawt tu ka ni bawk a, ka zawh belh thei ang tiraw ? Hei Minister zahzamtak khan September 25-ah cancelled a ni e a ti a, a lawmawm hle a, Engvanga cancelled nge anih a, Sorkar a hlawk ta lo em ni ? tih kha a zawt tu in hria a duh a pakhatna (2) relevant lutuk tlat bawk. Hemi tihtawp anih hnu ah hian Excise Department Staff thenkhatte an kawmthlang In lian tak mai hnuai velah khuan tlai dar 5 - dar 6 inkarah an tlan thla thin a. An zu lo tawh chhuah sa hralh theih, tawh si loh mahsela blacka an hralh tlan thina kha a hlawkna an zu insem thin tih hi kan Minister zahawmtak hian a hria em aw ?

PU C.L. RUALA MINISTER : Pu Deputy Speaker, kan chhang phawt ang a, an zawh duh leh an la zawt zel ang a. Bar license



No 1 of 18.8.1989 hi Hotel Moonlight hnenah pek a ni a. Moonlight Hotel hi Government of India Regional Director Department of Tourism tena an rawn dil pui avangin Tourist ho hnenah Foreigner te leh V.I.P. helai Hotela thleng thin Tourist ho te hnenah tlem tlema an pek theih tur chauh va pek a ni a. Chuvang chuanin a dan pawh commission pawh mumal taka pek a ni a, chu condition chu an zawn loh va mi hrang hrang hnenah an pek chhuah avangin kan cancelled a ni. An rawn dil leh a, kan pe phal tawh lo che u kan ti mai a, kan hlawk leh hlawk loh vang a ni lova. Hetianga mi pawimawh lo zin ramdang atanga lo kal tena an in theih tura an neih theihna tur khan lo pe hram teh u an ti a. Condition nei thlepa chutianga pek chu an ni a, condition an zawn loh avangin kan cancelled ta a ni.

Tin, chumi hnuaq chuanin an la insem thin a, chutah chuan an kal thin tih te kha chu kan hre hauh lo mai a, khatiang kha a awm anih chuanin kan lo chhui ang a, a tha in ti em ?

PU LALRAWNLIANA : Pu Deputy Speaker, zawnha pakhat chauh, Sorkarin mi pawimawh an tih chin hi in ti mumal lo deuh a ni lo maw.

Zu permit neitute lam atangin permit kan pekah hian pawimawh kan tih kan pe a, an ti ve mai a. Permit in pekna danah khan mi pawimawh kha mumal awm lovin an duh chin chin an pe thei tihna a ni lo maw. Helniah hian nangmahnin in rek bung leh si a, mumal awm lovin annin pawimawh an tih chinah khan thiam chang an in ti ve tlat ania. Eng ang chiah nge mi pawimawh in tih chu a ziak mumal deuh hmuh tur a awm em ?

DEPUTY SPEAKER : Ngawi tawh, Minister khan a chhang che a, mi pawimawh a ti lova, khita mikhuah ho Hotela thleng te, khitiang ho tan bika tih kha ania. Chuvang chuan mikhuah lo chu pawimawh dang an awm lo, a chhan dan atang khan i chiang a, i duh tawh ang question hour chu. Le, question hour kan zo va, ni 4th March, 1991 khan BAC in tun session chung atan Provision Calendar kan siam a. Nimin khan in puang har mang e an ti a, vawina puan atan hian ka ti a. Ni 12.3.'91 kha chu Budget Annual Plan Budget leh Supplementary Demand Finance Minister present tura kan tih ni a ni a. Tin, vawin hi Introduction of Government Bills leh Government Business dang awm apiang ngaihtuah nan tih a ni a.

Tin, ni 14 naktuk hi Bill ngaihtuahna leh pass na ni atan leh Government Business a awm chuan ngaihtuah nan kan ti a. Tin, ni 15 Friday hi Private Resolution atan kan ruat a, ni 16 Inrinni a ni a, Holiday 17 Sunday Holiday. (Pu Rualchhina : Pu Deputy Speaker, khawngaihtakin khami copy kha ka hmuhve loh avangin min pe thei em aw !! ka hmu ve lo palh anih ka ring a) Aw kan rawn ti ang e. Ni 18-ah Discussion and Voting of Supplement Demand for Grant for 1991 a ni a. Tin, Introduction Consideration and Passing of Appreciation Bill 1991 a ni a. Tin, General Discussion tun Budget pumpui leh sorkar Business tih tur a awm chuan hemi ni atan hian kan ti a. Tin, ni 19-ah Budget Discussion leh Sorkar Business tih tur a awm

chuan ni 20-ah Discussion and Voting on Demand for Grant for 1991-92 a ni a, ni 21-ah Any Other Business, 22-ah Friday Private Member Business Rescution, Motion, ni 23 Saturday Holiday, 24 Sunday Holiday, 25 Thawhtanah Discussion and Voting on Demands for Grant for 1991-92, 26 Introduction Consideration and Passing of Appropriation No-2 Bill 1991, 27-ah Any Other Government Business.

Tin, hei hi a leng lova, Bill rawn lut te a tawt anih chuan April thla te pawh tih dan a la awm ang. B.A.C. thu kher lo pawh House in kan ngaih-tuah dawn nia tih rilru pua hei hi dah kan ni a. Tuna kan programme sian dan hi tha kan ti tlang em? A copy kha han sem ru aw.

PU H. RAMMAWI : Pu Deputy Speaker, helaiah hian tawite kan sawi thei mai angem le. A tlangpuin hei hi a principle-ah hi chuan a tha a, tuna a tawpna pawh kha a tul chuan tih thleng khan a kal ta a. Hei hi chu a chiah chiahin a tih theih lova. Out line a tih ngai a ni a, amaherawhchu Pu Deputy Speaker, vawiinni chauh ni lo, hman kan session ah pawh khan ka sawi tawh a. Tahrik ni 13 vawiin ni hien ila, vawiin ni chiah hi en ila, tuna i sem mekah hian, B.A.C. in ni 4-ah an sawi ho va, engkim an tih tawh hnu in he copy hi advance pe in Member tin hnenah sem a ni a, kan hmu bawk a, kan dawng bawk a. Chumi ang chuan keinin kan lo in ring a. Amaherawhchu vawiin nia kan tih tur hi en la question hour a hi chu question hour a ni mai a. A dawt chiah hi "Introduction of Government Bills if any" tih a ni a. Government Bills introduce ni tur a ni vawiin hi. Amaherawhchu vawiin niah Bill pakhatmah a awm lova, hei hi engnge a chhan kan tih chuan kan office kan Secretariat atang ngei hian advance-in Bill reng renga chu Assembly Secretariat-ah theihluh tur tih Department hrang hrangah pek vek a ni a. Amaherawhchu an zawm ngai lova, an zawm duh lo a ni tih vawiin niah hian a chiang leh ta a. Naktuk hian en leh ta ila Consideration and Passing Bill tih a ni a. Hei hi a eng hi nge kan pass ang, awm lo ami kan pass ang, kha kha a ni ta a ni. Chuvang chuanin tun tumah hian Bill a awm dawn lo anih chuan chu chu thu hran a ni a. Awm tur angin kan ngai vek a, in ruahman lawk pawh kan nei a, tiang ang hi tuhnu a a awm tawh lohne turin kan Department hrang hrang hi chiang leh zuala education pek an ngai e ni.

Bill tih dan pawh hi an hre lo a ni lo, he House hi an zah lo a ni. He House zah lo Department hi chhinchhiah ila engtin emaw i sawisa ang u. House an zah lo em mai. Hei hi kan kalphung tur a ni lo reng reng-Department House zah lo kan awm a ni tih kan sawi duh mai a ni.

PU ZOSIAMA PACHAU : Pu Deputy Speaker, ding meuhin han sawi ta ila. Nimina kan Finance Minister zahawmtak thusaawia kha saptawng te kha a ni bawk a, a copy tal kha min pe ang chu ka lo ti a. Tikhanin in ta ah a tel a ni mai thei a, kei ka hmu zo lo a ni. A envelop kha khata tang khan a thlawk chhuak anih loh chuan. A chhan chu kha thila kha Governorship aiawh ti mai ila,

khsmi atana kan tih kha a ni si a. Kan Budget speech ah khan a pawimawh dawn si a. Tin, tuna kan member zahawmtakin a rawn sawi ang khan kan programme hi a tha a ni a, amaherawhchu engtiziange ni keimahni ho hi kan va ho em ! Bill a rawn lut ta miah lova, consider tur naktuakah a awm tawh lova. Naktuk programme pawh hi hetah hian kan rel a tha mai lawm ni ? B.A.C. han koh leh kha a buaithlak tawh si a. Chuti anih loh chuan naktukah hian zawhna ringawt kha kha kan back up dawn tihna a ni ta a. Bill a rawn lut dawn anih chuan "Introduction of Government Bills" tih emaw kha kha kan tih leh a ngai a. Chuti anih loh chuan hei a rawn ngaithlatu turte pawhin a nimin pawh an ho khawp mai an ti ang a. Keimahni kha ho min rawn ti leh mai dawn a, kan hoh nachhan kha amahni a ni tih kha hriattir a va tha em !!

DEPUTY SPEAKER : I sawi tha khawp mai tun tum chu, Kan pawm thei mai maw? hemi B.A.C. ina kan siam hi.

Dr H. THANSANGA : Pu Deputy Speaker, lo, tuna MINISTER member zahawmtakin a sawi kha a ni vau va. Vawina Bill introduce tur a awm lo kha a pawl deuh a ni lawm ni tih thu kha mak sak zawnga lo ngaih-tuah a awm theih avangin tlem han sawi ka duh a. He thil hi hriattirna Department tinah member zahawmtak Pu Rammawia han sawi ang khan pek an ni a. Amaherawhchu Bill an neih loh kha chuanin nei ngei ngei turin kan va ti thei lova, a awm ang kha chu an rawn ti a. Chumi process-na hun atan chuan hun a ngai a. Tin, Cabinet ina a approve vek hma a helaia introduce theih a lo ni leh lova, khang exercise khan hun a duh ve deuh a ni. Chuvangin tunah hianin khatiang thil kal kha a la awm mek a, naktukah chuan vawin ang ngawt lova Bill a lo luh hman beisei ila vawinah hian tih hman ngei ngei tura beih a awm a, chu chu member zahawm tak te khan lo hria sela.

PU P.C.ZORAMSANGLIANA : Le, kan MLA Sangau bialtu zahawmtakin a rawn sawi kan ngaih-mawh member tena kan ngaihmawh House ah ni 10 hma ngeiin lo lut tur a ni a. Hetah kan Secretariat tena an inbuatsaihna tur, tun hman chuan hetiang hi ni tawh lo sela tih hi kan dah lai chu a ni. A hun takah tih hman turin lo kal thin selangin, kha lai kha kan beisei a kan sawi rik lai tak chu a ni. Vawin niah Bill a lo lut lo anih chuan nichina mamberten an sawi ang khan naktuk hi chawl mai ilangin tih kha kan rawt nghal a ni.

PU H. RAMMAWI : Pu Deputy Speaker, kan Parliamentary Minister zahawmtak sawi kha a dik chin a awm a, amaherawhchu a tlangpuin kha kha a ni vek lo. Bill thenkhat chu session chungah pawh ngaihtuah chawp chuk chuk a awm ang a. Khatiang ngaihtuah chawp chuk chuk hmanhmawh chi kha chu kan ti lo. Amaherawhchu hman atanga session huna bill tih luh tur tinzawn sa ran bill hi a awm ve hrim

hrim a. Sorkar pawhin buatsaih ve hrim hrim hi a awm a. Chutah chuan a dawnah hianin engemaw tih nawi, a dik tak chuan ngaihthah bill hi a tam a ni. A bill neitute Department hianin an ngaihthah a, an bill hi priority an pe lo a ni. Kan question priority an pek ang pawh hian an pe lo a ni. Chu chuan min ti harsa thin a. He House hi an rawn tibuai thin a, hei vawiin pawh min tibuai tawh a, naktuk pawh min tibuai leh dawn a ni mai a. Chuvang chuan naktuk te pawh kha chawlh mai kha a tha lawm ni tih kha ka duh dan a ni ve nghal mai.

PU VAIVENGA

: Vawiin nia Bill, Government Bill luh leh loh chungchang thua Department lam te zuk tih vak a kha thil dik ber chu a

ni chuan ka hre lem lova. Sorkarin Bill an buatsaih a, anih dan tur anga an rawn tih kan pei anih chuan chu chu a tha a, an lo neih loh chuan khawi Department emaw zuk puh a engatinge an tih loh tih ngawt a kha a ni hranpa lova. Kum dangah te chuan heng tuna kan session anga hi kan tum ber a chu Budget Session a ni a. Finance Minister ina Budget a present hnuah nihnih te, ni thum te, ni li laite pawh kha Budget kha lo zir a chawlh hi a ni zawk mah mah thin a. Tunah hianin chawl lovin min kalpui mai mai a, amaherawhchu hei question te, tin, Government Bill te pawh a awm takin tih te in in rawn ti a, a tha kan ti zel mai a. Chawlh awm tak zawk a ni a, Budget kha kan zir tur ania. Khami atan bera tun session hi chu koh a ni zawk a, a bill dang tehchiam beiseina hun pawh ni lo zawk a ni a. Chuvangin Department kan zuk puh ngawt te kha chu a ni ber emaw ni chu aw ka ti a. An lo nei thei te anih chuan a lawmawm a, kei an ngah ang tih hi a hlauhawm zawk a, Budget lama hi uluk deuh zawka duh tui taka kan ngaihtuah hun, kan sawina hun tur niin ka hria a. Chuvangin tuna in lo tihdan a hi a tha viauin pawm mai ila, tha lutuk tak phei chu ka ti lem lova, a tha viauvah pawm ila mi chawlh tir tur awm tak in ni in ka hria a. Vawiin te, naktuk te hengte hi chu mahse mi i chawlh tir lova i kal zela i thu kan zawm a ni mai a. In lo tiha hi i pawm mai ang u, tha tih loh chuan sawi leh dan na hunte hi mi i la hawn zel tho va.

DEPUTY SPEAKER

: Anih hei hi chu B.A.C. rawn siam tlangpui hi chu pawm ang u aw, pawm thei maw. Tunah pu P.C.Bawitluangan Assurance Committee Report House-ah pek luh tur a neih pe lut sela.

PU P.C.BAWITLUANGA

: Mr Deputy Speaker Sir, I the Chairman of the Committee on Government Assurances as surprise by the Committee to present reports on its behalf present this Third reports to the House - The Committee at its sittings on 7th March, 1991 adopted this report.

Thank you Sir.

DEPUTY SPEAKER : A copy han sem ula, nichina kan sawi kha in sawi zawm teh ang. Bill consider tur a awm lova, Bill a awm lova, chuvang- in hemi BAC siam hi a tidanglam thei chu helai House hi kan ni a. Tih tur a awm loh ber chuan kan chawl thei mai lawm ni ? A tuk leh kha chu Private Member Business a nia.

PU SAIKAPTHIANGA : Pu Deputy Speaker, naktuk  
MINISTER chawlh kha a tha viau na a, a tawp lamah khan question khan min nawr chep lutuk lo ang maw ? Question kha chanchinbu a kan hnuh dan khan za sawmkua leh tih vel a lut a, kha kha tlem chuan kan va thlir lawk chu a tha ang. Nakinah chhan hman lohah khan kan in nawr buai leh si ang e. Pu Deputy Speaker.

Dr H. THANSANGA : Pu Deputy Speaker, chawlh tih  
MINISTER kha member zahawmtak Pu Vaivenga rawn sawi kha tih dan fo ania. A engapawh kha ti ila, dan lo a ni hauh lova, a tha em em a. Mahse tuna Pu Saikapthianga rawn sawi ang khan a zawhna hunah kan in duhthawh veleh bawh a. Tin, naktukah Bill introduce tur a awm lovang tih kan sawi thei lo. Lo awm tasela naktuk chawl ta ila introduce lovin Thawhtan lam te nghak ta ila, introduce hnuah engnge maw chen kha nghah an ngai leh emaw lo nise, hun a bawh buai ve thei daih mai a. Chuvangin chawlh tak tak ni lova question hour zawha introduction tih turte a awm anih chuan han tiha tin mai kha a bahdam zawkin a tha mai lo maw ? Pawng chawlh pumpuhlum kha chu nakinah khan a hawlh buai theih thilte a awm palh ang e.

DEPUTY SPEAKER : Kan ngaihdan a in ang lova, House hi decide tu tur kan ni a, question hour tal hi chu ti ila tihte a awm a. Tin, Minister khan introduce tur Bill a rawn nei dawn em ni naktukah.

PU LIANSUAMA : Rawt ve teh ang. Naktuk kha  
MINISTER chu chawlh tha in ka hria a. Nichina Pu Deputy Speaker, i sawi ang khanin Tahrik ni 26, 27 velah khanin kan session hian kan thil ngaihtuah turte kan zawh loh ai chuan thla tharte pawh kan kai ang a tih thleng khan a ni a. Chuvang chuan naktuk kan chawlh rih hi chu tha in ka hria a. Hei kan Budget te pawh hi kan han zir a, a mamberte pawhin. Tin, a Ministerte pawhin Chiang lehzuala han in tihte pawh kan duh hun lai tak ania chawlh kha chu a tha ang a. Tin, wawiina hetilala Assembly Secretariat-a Bill a lo la kal lo anih chuan a bichilh ta reng rengin ka hria. I chawl ang u.

PU LALRAWNLIANA : Pu Deputy Speaker, tuna rawtna kha kan thlawp teh ang. Thil bichilh lutuk hi zawng sawisel-in lehlan panga mite in tang leh tuk si ang a. Chuvangin zir zau deuh kha a tha e.

DEPUTY SPEAKER : Anih Bill introduce chu Thawhtanah a awm anih chuan hemi B.A.C. -in a siamah hian awm lo mahsela Any Other Government Business ah hian a thun theih tho va. Chutah chuan an rawn thun mai ang a, naktuk chu i chawl mai ang u kan remti tlang anih chuan. Vawin ni 13-ah hian Introduction of Government Bills a awm lova. Chuvangin vawin-ah pawh kan tih tur ang chu kan zo niin a lang a. Naktuk kan chawl ang a. Zirtawpni-ah Private Member Resolution kan ti ang a, Inrinni kan chawl ang a, Pathianni kan chawl leh ang a, Thawhtanni-ah kan chhonzawm leh dawn nia. House-ina programme kan siam dan ang chuan vawina kan session chu kan zo ang a, Zirtawpni dar 10:30 A.M.-ah session kan tan leh dawn nia.

11:43 A.M.